

百  
柱  
堂  
全  
集

百柱堂全集卷二十三

癸亥

監利王柏心子壽著

答曉峯觀察見贈

晚乘驄馬類投閒久宦浮雲共往還  
盡斂雄豪歸卷裏尙餘精悍出眉間  
夢懸蘭芷清沅路興在桃花白兆山

君嘗栖遲白兆者數載

重與故人成小聚客星終夜朗江關

後來方鎮皆英傑頗屬當年帳下兒  
拔起正逢戡亂會明公未是息機時  
猶堪捷步追奔馬尙倚登壇作老羆  
煙水只容吾輩隱野人甘與釣徒期

題曉峯觀察照繪其金峯督戰事

金峯斗絕幾千丈拔幟呼兒躡其上神兵一鼓覆凶巢當時  
父子皆飛將十年烽火照江東壯士翻無汗馬功不遣登壇  
應推轂徒令草檄誇文雄老去繡衣非得意鬱鬱龍淵同棄  
置健翮曾凌鷲鳥前駿蹄今向驚羣避貂蟬南國盛如雲晚  
出爭高戰伐勲自古封侯原有命數奇誰惜李將軍

如冠九觀察爲曉峯觀察畫馬作伏櫪狀持以徵題

傑士不易知天馬不可羈誰將階下尋常櫪繫此追風掣電  
姿雄心猛氣終難已振鬣長鳴不能止安得縱轡驟飛黃爲  
君騰驤走萬里

與曉峯觀察夜話

流碧膏回草木青須臾田叟慶農唱滿郊垌

彭漁叟觀察還自成都出示蜀中近詩率題二首

起佐文淵仗節征誰知途閉嵩昆明奇功折首遲飛捷上策  
攻心輟進兵吟嘯賓僚登覽倦烽塵天地去來輕出山難覩  
銅標建老負崎嶇叱馭行

三休臺下回帆泊萬里橋邊載酒還檉草未開滇瘴癘吟毫  
猶壓蜀江山凌煙人詡飛騰速枕石天教歲月閒盡斂經綸  
詩卷裏豈惟餘策足平蠻

樊口晚泊圖爲李雨亭同年題

君以同治壬戌十月之望偕  
倪豹岑比部聯舟赴皖是夕

泊樊口與東坡赤壁後遊同歲月

千古江山幾王戌清遊候若鳥飛疾寒流斷岸故依然二客  
重來今視昔文藻飄零安在哉干戈回首絕堪哀寥寥惟有  
橫江鶴曾識峨眉仙客來

中秋對雨

雨暗荻花洲滄江急暮流石苔寒助暝風葉亂鳴秋寂寞山  
家市淒清水調謳坐憐三五夕圓景闕瓊樓

幽居

蘿薜掩幽居柴門野眺初秋江澄後斂涼雨暮來疏天下憂  
軍食山中望捷書開尊惟取醉百感仗銷除

食蟹

不異菹鱸興年年憶蟹歸老饕專饗媿俊味及秋肥設餽漁  
人市登盤壯士威肥沙何太急憐爾赴危機

久不得申甫師消息詩以代訊

離帆憶送雪消初云向衡湘覓卜居豈是全家還嶺嶠遂令  
經歲滯音書名高一代行藏際道任千秋著述餘今日濟川  
才尙少幾時 前席 詔徵除

### 乞桂山寺

一枝誇郝桂分取向祇林月色中 補天香佛國深有懷招  
隱士相賞證秋心添注瓶中水無愁霜露侵

### 悲秋

黃葉初飛雁叫空悲秋楚客感西風驚沙隴水蕭條外落日  
秦山破碎中列寨連雞多歲月談兵捫蝨少英雄花門鷲悍  
氏羌勁天府誰堪鎖鑰功

有 詔以三吳陷賊毒痛深矣其蘇松太三屬沿自前代賦  
額號爲最重 命議寬減吳民經五百餘載始邀沾蕩之

恩祇誦忭躍賦詩恭紀

十行天際下 溫綸賦稅三吳始得均 寬詔特逢千載會  
歡聲徧動萬方民戈矛益奮同仇義耕鑿誰忘報國身上壯  
京坻仍鼓腹里閭世世頌 皇仁

適野

適野諧幽緒，菅茅望不分。陂痕依淺水，山路塞秋雲。林歇元蟬響，田栖黃雀羣。招提知未遠，孤磬隔村聞。

陟螺阜望秋水猶壯

岷江秋納洞庭雄，黔粵巴巫眾壑通。一氣混茫塵壤外，萬山浮動晚波中。村氓市小恆爭米，處士廬荒但掩蓬。目極滔滔思砥柱，幾人無愧障川功。

咏紅荳蔻

致此自閩海，解令煩鬱開。紅冰凝淚點，火齊孕珠胎。丹粒拈相混，朱櫻摘並猜。握椒貽彼美，珍重卽瓊瑰。

秋夜聞蛩

微蛩爾何怨苦調夜方道約盡古今恨吟殘天地秋金牀回  
斷夢玉管輟清謳壯士且悲咽何言兒女儔

戎機

秋氣已淒厲秋風能裂衣江湖猶滿地稼圃欲何依轉饒方  
馳檄增兵但合圍東征多猛士誰解決戎機

小園卽目

園小花無次秋深逕易荒山韜雲紺白風舞葉丹黃號侶沙  
邊雁催寒砌下螢感時驚過隙容易惜秋光

雨

秋陰俄作雨颯沓更隨風漬蘚忽深黝洗花多淡紅山容深

自斂滌勢晚猶雄垂穗方栖隴愁妨納稼功

感興

氣逼金商厲天催玉露寒榮彫雙轉轂今古一奔湍泉石終  
何濟旂常孰不刊脩名期晚節彌覺寸心難

得申甫師零陵書

寓公多爲好山停嶽色飛來九面青倚櫺徧行張樂地題詩  
還上合江亭移情泉石邀卿月望氣蒸湘識客星門下侯芭  
勞遠訊便如親授太元經

曉發汧河口

茫然津渚尙浮空倚櫺征人逐曉鵲  
衰涼侵鷗鳥夢芙蓉

秋老鯉魚風連年藝植淪波底千里流亡滿眼中昏墊久深  
疏淪廢濬川誰復矧王功

舟行甚疾

風蘆與帆葉耳後但聞喧沙疾爭湍沸汀回換樹奔漫遊誰  
鬪捷澄慮欲忘言晚泊依斜照漁罾晒夕村

垂楊

楓丹初不待霜零樹櫟飄黃映遠汀偏是垂楊饒旖旎秋深  
猶助水雲青

經戴氏廢園

戴氏之先有昆季同時仕至光祿正卿鴻臚少卿者光祿之子拙菴拔萃築園曰蔬圃大可二

十畝壯麗甲一時家刊有廿一史文鈔養餘月令今第宅園亭盡頽圯矣後裔亦式微戴氏與吾家本世戚過之愴

然爲賦是詩示  
其孫曰科禮者

弟兄卿列侍彤闈出入彫輪道路輝  
邃室圖書疑洞府名園花木盛芳菲  
百年俯仰星霜換萬事榮枯露電非  
世戚潘楊歎淪替山邱華屋爲沾衣

贈戴耕雲

科禮

表弟

清陰喬木在舊德典型存抱質能歸樸  
爲農不出村艱虞經水潦體粥足朝昏  
坐久詢親懿肫然長者言

舟經漢水所傷敗秋晚而漲益增倚櫂歎之  
廣漢秦山下通津楚塞長乘秋波壯猛  
橫決歲懷襄沙並諸川濁流同九曲黃  
吏民無上策辛苦事宣防

曉渡紫貝淵風浪甚惡柁折矣俄而栖岸舟竟得全

秋漲浮天激箭奔輕舟橫截浪花翻豪吟不犯蛟龍怒欲攫  
奚囊未敢吞

帆欹柁折犯中流安穩行人竟不憂白鷺臨灘翹足賀垂楊  
仍繫木蘭舟

夜泊桃花井

秋蓬獨宿桃花井夜色沈沈葭菼冷起視蒼茫水浸天大魚  
跳亂疎星影

水楓初紅有助秋妍

鵝鴨縱橫臥遠陂丹楓散作錦霞披秋波絕似春波媚二月

桃花照水時

舟經伍相祠

荻花楓葉共蕭蕭  
伍相祠前漲未消  
千載英靈還故國  
銀山猶湧海門潮

得墨莊師書奉答

昔權辰溪侍謫遊隼旟  
今更望洪州澄懷清照雙江水  
仙骨高凌五老秋  
禺筴勞心供戰士  
征輦入耳亂鄉愁  
匠門散木猶相憶  
尺素頻題問白鷗

九月五夜舟次對月

月上碧雲端  
中流倚櫂看江湖  
秋起漲風露夜增寒  
身賤謀

空拙時危事益難流輝連赤燧猶照古長安

寄秋丞太守黔中

日日黔荒宦興微流年空惜鬢毛非前盟松菊雖無負故國  
荆榛未可歸釀熟山花窺酒醖詩成蠻砦繡弓衣專城須領  
東方騎莫便抽簪說息機

沿岸楓林多未霜先赤者

水村秋色未蕭騷迤邐如逢洞口桃昨夜龍宮霑醉後楓人  
先賜赤霜袍

過龍口作

歲歲重陽際蒲帆向此行湖山銷霸氣天地老秋聲亦有登

臨興難爲羈旅情故鄉萸菊近翻逐早鴻征

偕鄧守之劉俊賢孫敬之羅南軒王策臣遊石門洞得詩四

首

窺洞歷三遊昔詫擅奇雋近聞談石門曠輿乃兼勝襄糧約  
渡江沿溪躡山徑北嶺紛若延南峰起相競屢盤途益高賈  
勇險彌進橫空何嵯峨積疊屹雄峻石氣峭上干入天勢猶  
迸五城十二樓蕩蕩幾千仞飛步莫能攀四顧絕梯蹬訇然  
洞天開軒豁頓坼壘初地甫容窺眞形尙難定山僧候在門  
導客陟蒼磴曜靈已下春暝色墮鐘磬

僧云客行倦腰腳迄小休臥雲亦良適揖我登高樓窗中列

羣岫拱揖同獻酬當洞月初上正挂白玉鉤夾溪南北山寫  
影鏡中浮清光澈遠近可以燭層幽皓然訝積雪坐我山陰  
舟凭闌試舉手仰摘斗與牛應有王子晉來作吹笙遊璇璣  
墮巖滴響若鏗琳琅夕咀互相答妙音清且適興闌各就寢  
清夢落林邱致身已福地姑輟杞人憂

質明起窮探梵剎炫金碧月峽題張仙或疑邁還迹土書今  
安在漉漫不復識旁立漱玉亭洞溜瀉仙液最勝靈濟宮有  
湫龍所宅歲早起爲霖蒸民乃粒食靈澤滙茲潭方池湛深  
黑斂智寂若愚韜功不言德外無濫觴盈內有伏流匿尸居  
信至神藏用在淵默仰首睇洞門終日水簾織齟齬呀然張

石齒類鐫刻傍巖多飛蘿髯胡儼拂拭極左洞尤深風輪轉  
不息龍鹿立且蟠鱗角並森植怪石疑通靈繩幽誰敢偪洞  
中洞復藏投足憚險仄仇池小有天十九記泉脈恐此或飛  
來安知造化力

茲洞處下巖復有上與中巖各列三洞途危安可窮谿南望  
山腹有洞亦復同猗嗟混沌初斤斧何其雄石骨盡磔裂揮  
霍誰施工自非黃熊子鑿空難爲功又疑地媼孕剖脇留虛  
空不然蛟龍徙拔湫去其宮蟠腹納五寺曾不異併幪土石  
氣鎔結溫燥如春融龍威與委宛藏書當可充惜茲靈幻境  
幽僻途罕通遊咏闕昔賢未得發其蒙黽勉試留句細響慚

秋蟲安得驚人語萬壑爭穹隆

次韻和守之遊石門洞之作

吐納羣峰與眾谿飛泉挂作水簾齊黃塵白日誰能駐紫府  
丹邱別有梯清夢雲蘿懸絕壁歸途風葉舞長隄靈文十賚  
今當撰合待華陽逸客栖

君有巖栖之志

偕諸君訪三遊洞

星輶昔送高軒過霜磴重探古洞行石骨凌空分峽勢江流  
收瀨放谿聲仙心忽向靈區發塵障猶嫌下界生文采昔賢  
曾未替後來誰勒壁間名

獨立圖爲金序之司馬題

丈夫七尺昂藏身起爲傑士爲偉人矯然特立不依附高步  
直欲超常倫金侯示我獨立圖命意固與羣流殊少年南北  
困羈旅頗歷坎壈經艱虞長欽賓齋精讀律活人自操三寸  
筆一朝綰綬向風塵出入戴星勤撫卹西陵山水天下奇爲  
補紅梨再賦詩政成授簡事討輯圖經史乘搜無遺窺侯才  
力若游刃決滯裁紛無不振但憑課最取公卿自可橫翔躡  
千仞回看世上脂韋流曳裾掃門良可羞要津攀附豈不顯  
安知負詬如山邱君不見孤松絕壁四無倚千尋磔磔雪霜  
裏詔書一旦求棟梁萬牛輦致連雲委我侯獨立亦如此  
偕劉俊賢聶耀卿出郭探勝分題賦詩

郭東山色倚雲看勢若蒼虬掉尾蟠羣竹陰籠孤寺隱萬峰  
煙鎖一江寒游踪但送年光易佛力能銷劫火難幽賞欣聯  
塵外侶不妨林壑與盤桓

東山寺

修磴回岡抱仙臺盡日閒樓藏黃葉裏江走白沙間野曠仍  
含霧窗虛盡納山欲招笙鶴侶飛步出塵寰

鎮境山樓

夷陵小至漫興簡燿卿

放櫂西陵菊始開光陰小至遽相催經天急影雙丸躍候氣  
潛陽六琯回羈旅不離文字役山川能發古今才荆南歲暮  
遲芳訊誰折章華寺裏梅

偕諸君文星閣看雪

置身疑到九閭邊積雪遙看灝氣連江縮一絲寒帶郭峰圍  
萬笏靜朝天鴻飛不辨塵沙迹鶴駕將招閭苑仙羈客倚闌  
徒極目荆臺郢樹總茫然

喜聞苗逆投首秣陵亦旦夕可拔

伐叛天兵似拉枯捷書道路徧歡呼淮南已報黥徒戮江左  
行看逆景誅吳越聞聲馳露布雍涼寒膽肅王鈇卽瞻下  
詔行寬大盡罷舟車權算租

放舟下荆郢留別夷陵諸子

舟下夷陵道寒沙帶雨聲峽雲低尙趁江塔遠猶明文酒留  
嘉會峰蠻繞客程荆南梅可寄持以慰遙情

仙人橋 在荆門峽中

飛空一片石駕險何崔嵬裂腹散淙瀑下巖豁然開仙人御  
六氣超忽凌九垓飛行可絕迹安用橋爲哉大道出拯世兵  
甲不能災荆門古戰地死骨多成灰不聞濟度力殺機絕其  
媒眞靈侈拔宅拊掌非仙才吾嘗慕冲舉又欲清氛埃不能  
效此輩空往復空來

寄楊心物孝廉

廣心馳浩博約志獵深微不墜遺文緒終求大道歸外輕由  
內重我貴在知希養嗣如威鳳丹霄總奮飛

寄柳村

乍息登臨屐仍看簡冊親承懽彊健日鍊志雪霜辰閉戶車  
能遮衝霄劍有神寸陰踰尺壁珍重少年身

舟過枝江未得訪朱後雲司馬賦此寄之

但有青山志曾無赤紱心避人江上迹招隱谷中琴雪積蓬  
蒿逕霜寒橘柚林泛舟未相訪望遠發長吟

### 江上阻風

峽州原與郢都隣自笑栖栖道路身千里雲山長送客一江  
風浪轉愁人松蘿舊約徒縈夢梅柳鄉園欲變春安得歸憑  
黃鵠翼登堂先慰倚閭親

阻冰行 舟膠于草市守凍者三日乃行

季冬風厲飛雪嚴霜水寒生骨冰堅如墻  
步道斷絕舟航不通茫茫八表惟見飛鴻  
水府沈沈沍寒徹底僵踏蛟鼉安問魴鯉  
萬斧千椎曾無寸鱗石堡堅城攻之不下  
北荒冰海誰移此來黑龍銜燭照天爲開  
元冥冬狩凍合重湖膠鱗繫介生縛天吳  
西南風利霽雪方晴長檣鐵鹿梃不得行  
濁河之狂猶限寸膠樓船舴艋孰謂汝豪  
臘盡春來尙滯行旅信非尾生亦同抱柱  
三陽橐籥方轉鴻鈞流澌解泮遄送歸人

舟次立春

渾忘征路永忽覺歲華新岸雪潛融臘湖水暗度春猿吟招  
隱賦鷗笑倦遊人長奉慈闈健何辭負米頻

歸舟漫興

峽門東沂郢門長歲暮扁舟犯雪霜春信早傳秦太史朝班  
久謝漢潛郎鷓鴣自合逃鐘鼓鸞鳳何爲逐稻梁隱矣煙波  
皆釣宅一竿來往咏滄浪

湖舟曉發

野鳥如陣起侵曉掠舟飛天濶不知盡雲遙何處歸流漸蘇  
暖氣殘雪避晴暉望裏鄉山近梅花正繞扉

湖天

湖天遙共楚天長  
仰視寥空起雁行  
杳杳征帆何處盡  
只疑雲夢接瀟湘

百柱堂全集卷二十四

甲子乙丑

監利王柏心子壽著

歲朝憶舍弟子章子芳時同在臨川

甲子

又見桃符換難同柏酒傾  
桓山禽久別彭蠡雁同征  
誅討師方亟租縉法在輕  
丈夫圖報國安用競時名

獻歲風雪總至

風雪新年壯寒威訝轉深  
亦知乖淑氣未敢測天心  
院竹低難舞谿梅阻莫尋  
早憑陽德運剛健散羣陰

雪益甚

盡驅太古雪勢欲返鴻荒  
禹迹迷分野周原混職方  
奇寒驚

父老偏沴屬陰陽願整義和轡昭回若木光

寒甚雪益不止

雪勢浩無已師當奪秣陵若非誅反側何故盛凌競拔柵梟  
侯景麾軍斬石冰捷書馳莫緩正及上元燈

題陳生看山樓

芙蓉秀作好峰巒送與元龍樓上看絕世名姝凝遠黛渡江  
奇客竦危冠不須藜杖攀巖訪只訝松風偏座寒天下荆關  
無覓處誰知邱壑在胸蟠

已超宏景三層閣如對廬山九疊屏靈氣諸峰皆峻拔楚江  
千里此關局嶽雲南下長飛紫峽勢西來不斷青從子卧游

眞足老征帆何苦事漂萍

仕兒就試詩以示勸

失母憐渠早離兄甫自今業多因亂曠誨不敵慈深振羽辭  
鶯谷長鳴繼鶴陰榮親在稽古行矣莫霑襟

璿玉篇

璿玉不能雜由來有低昂治術粲然判純駁殊霸王嗟彼經  
世士慨慕虞與唐高談祖仁義末路宗管商管商况愈下且  
欲師宏羊變未達今古才原非富強兵戎尙格鬪郡國多瘡  
瘡浮游挾功利約束紛更張名高易生懷患伏能無防誰意  
素絲練變化爲蒼黃

甲子行

甲子新從上元數春來冰雪復風雨雲陰連月凝不開酷烈  
翻然奪和煦王師昨歲收金閶淮北渠魁亦已亡頗聞花  
門遁隴表白下殘寇不自保蚩尤旬始氣漸沒朝廷政令  
未有關四方翹首中興期凜冽非時孰爲發豺狼摩牙日啖  
尸軍士殺降或有之復恐蜚鱷恣翻覆不然椎算搜無遺迂  
儒詹詹五行傳陰氣侵淩幾曾見妄意恒寒由咎徵天道從  
來不虛變勤勞旦奭翼宗周方召能專闔外謀回天捧日何  
人事嫠婦徙勞涕淚流

始雷繼以霰

正苦蒙陰盛中天走電雷翻驅飛霞集未裂凍雲開鴻雁歸  
仍阻蛟龍夢乍回誰扶陽德健震疊奮雄才

天道篇

天道幽且元四序何曾愆吾惟見夾鐘少陽之月熙陽桃李  
爭喧妍淑氣徧嘘山與川今者實駭異朔風號且厲五旬垂  
陰雲三辰掩光氣孟春冰雪深丈餘仲月雨霰復相繼嚴寒  
中肌骨縮瑟無可避麥苗凍欲槁農夫眼垂淚米鹽並騰踊  
民命難爲計吾聞北荒冰海光皚皚黑龍燭射寒門開得非  
夸娥之子戲負移此來元冥徙南土勾芒色如灰鄒生死骨  
已干載安得吹律生春哉或云靈修乃在太清之表浩茫茫

下林集卷二 四  
三  
天上不置靈臺郎寒煥任差忒豈念黔首飢且僵又云陰迫  
陽厥咎乖其常容成不可作誰與叩雲閭君不見洪荒古史  
多恢奇補天煉石傳有之十陽涿水並爭出災添乃在唐堯  
時下士膠所見妄以管蠡窺天道幽元且莫測何況人事翻  
覆安能知

寒色

黯黯天如墨冥冥雨似麻風林墮寒色泥巷送春華候舛誰  
爲診愁來未有涯芳辰今過半夢不到鶯花

風雨不止

忽失暄和序將疑橐籥停草痕殊未活柳夢不曾醒風雨徒

淒厲湖山總晦冥廣川災異對誰與獻 朝廷

舟次感春

東風昨日來不散湖雲冷岸經冰雪餘物色尙淒警平原野  
燒痕寒夢吹未醒曾無稊柳枝搖蕩煙波影安望舒紅英芳  
菲鬪桃杏羈客自感春慨歎未能屏豈無巖穴英繩轡韞奇  
穎風雲每後時矧曰冀牛鼎芳序驚如流壯心徒自迴舟行  
千里餘所見但荒梗無人問釣徒寂寂水天永

沙津解纜口占與耀卿西垣錄別

揮手津亭楊柳風天涯離緒略相同春江綠漲西陵峽日夜  
將愁下渚宮

春杪偕諸君自西陵峽進舟至黃牛峽而返

一舸疑無路雙厓不可梯  
局連巴國徼雄壓楚天西  
曦月光多匿陰晴象忽迷  
峽遊輕試險直爲聽猿啼

濺玉蝦蟇碯名泉舊有聞  
潛逃天上魄寒噴石間雲  
淋炙千年炮斑爛萬古紋  
子陽徙井底笑汝伏江濱

古木森虧蔽居人謝往還  
峰奇純戴石瀑怒迸搖山  
熊豹憑依阻麋麇徑隧間  
巖扉留洞壑仙去不曾關

開闢伊誰力神工運斧難  
危巖摩漢近餘麓插江蟠  
日作孤光掣天容一綫看  
夸娥如遣負地軸始能安

巴船爭奮櫂危命擲湍流  
旅客多清淚灘聲易白頭  
晴天翻

雨色險地謝豪遊深壑蛟龍卧將無窟宅憂

亂石驚濤外刑牲姦后宮天留傾覆戒人咎聖神功野鳥啼  
芳樹哀猿嘯晚風黃牛開導勢煙雨惜冥濛

放櫂黃陵廟回舟陸抗城年衰初入峽春老不逢晴東下風  
猶逆西來漲又生自嗟才力減得句少人驚

守之明經攜明高帝自撰皇陵碑拓本屬題

運啟英雄主天開混壹期世功非契稷舊業異邠岐濠泗眞  
人地山陵帝者儀追崇灑宸翰水木不勝悲

播越潛龍日艱難逐鹿年湯征方革命舜慕獨終天豐沛靈  
長接滄桑運易遷所嗟銅馬熾葱鬱委烽煙

龔叔雨同年擢黔藩入覲遇諸夷陵賦詩贈別

江陵相遇復夷陵握手惟驚鬢雪增瘴癘千山馳入覲風塵  
四海望

中興許謨次第天衢獻

賜命便蕃晝接承今日正需元凱佐 朝班方倚作凝丞  
當日詞臣侍

禁林茲行仍謁

玉墀陰黃圖山海形原壯

紫殿風雲氣自深鸞鳳總諧鳴盛律夔龍均抱濟時心燕臺  
朋舊如相問爲道曾無梁甫吟

王殿臣茂才邀同諸君登孝子巖仍置酒竟日而歸

喚渡朝霞散攀巖曲磴分林光射墟莽鬱翠撲江雲嘯傲邱  
中賞壺觴物外羣回舟清興洽樓堞挂斜曛

題姜孝子祠

一角溪山畔千年孝子祠蜀江同祀典楚俗式民彝泉鯉靈  
疑躍巢鳥性總慈何言風景美淳性繫人思

答耀卿

當風鼓瑤瑟嫋嫋朱絃音曲調亦何古江水亦何深誰人爲  
此奏遠道貽朋簪峽江下荆渚連山多嶽岑江山杳無盡離  
思浩難任烽塵暗南北戎馬猶交侵遊麟未服輓飛鳳不在

林豈無俊與傑草間多銷沈世難且未息安知眞宰心願言  
保金石無事徒沾襟

僧邱大破羣賊於楚豫之郊野夫謬計謂可乘勢進拔建康  
如反掌賦詩志冀望焉

名冠中興將勛高異姓王聞聲啼乞活卷甲蹴奔亡不覩騷  
除易誰知殺伐張人言師過處隴畝自耕桑

南卒誇驍銳何如朔騎精九天攻莫測萬帳寂無聲楚豫金  
湯固江淮草木驚直須乘破竹東拔建康城

鐵馬臨江上瑯戈指石頭但瞻麾蓋至立獻檻車囚醜虜亡  
無日兵機迅莫留奇功須上將一鼓復神州

寄贈鄂生太守

智勇萬夫英馳驅百戰苦投足觸譏讒險乃甚豺虎不死有  
天幸低頭甘對簿罷遣帳下兒脉脉復簪組領郡巴山閒綢  
繆徹桑土榛莽次第除春陽亦徐煦暴者戢雄鷺愿者奮干  
櫓介居秦蜀中屹立壯門戶規畫甫及施干城效可觀湘東  
近出將揮戈逐猱猢誰知有黔士可與韓白伍羸然短小軀  
浩浩綜文武英略盡韜藏勞心作召杜若得起登壇專制建  
旗鼓么麼乞浩徒疾掃勝風雨何人效馮唐頗牧薦吾主

漢北

漢北且千里薦爲豺虎居備多力益薄銅馬遂乘虛名王提

朔騎斬刈血成渠賊勢雖披靡滋蔓難盡鋤士馬不宿飽凋  
勦憂軍儲苦鬪日不止狡謀慮伏狙盍不運奇略一舉潰癰  
疽漢廣夏方漲浮天勢有餘決之灌賊壘原野皆淪胥赤眉  
百萬眾可使化爲魚水攻古所尙舍是患不除寄言仗鉞者  
浪戰徒紛拏不聞蝮蛇毒斷腕安能徐

奉憶申甫師零陵

豺狼仍率野麟鳳未歸

朝迹異衡山隱心甯魏闕遙潘輿隨轉徙蔣徑任蕭條時有  
巖廊夢猶依北斗杓

題畫

山外斜陽柳外舟憑軒長嘯俯滄洲天涯正憶鷗邊宅高閣  
澄江萬里秋

師克金陵志喜

空中赤燄流天關天狗隆隆河鼓間奔騰直度女牛次東南  
正墮金陵山窺穴巢巢逾十載一朝天意付菹醢猛士休誇  
不世功黃金填壑骨填海

先是五月廿七夜天狗起河鼓下赤燄燒空有聲隆隆東南墮滅賊

之兆也

天生龍虎帝王宅豈汝么麼敢稱逆跳梁自負頭觸山禍至  
安能逃裂磔赫赫

朝廷拱百靈妄矜詐力盜關扃妖腰亂領何須惜徒使山川

蒙穢腥

自從蠻獠陷江表  
文物衣冠迹如掃  
酷倍弄泥浮蚩尤  
日刈生靈如刈草

王師洗劍開荆榛  
如天覆燾歸

皇仁不患

天家少 恩澤但嗟鋒鏑無遺民

增陣累堞高至天  
搗金窖粟何連連  
怒行屠戮喜歌舞  
自謂坐支年復年  
九天赤電燒蛇穴  
垂死豺狼自相齧  
凶魂雨黑無號聲  
霹靂一震萬鬼滅

亂賊紛紛多竊附  
爭言建業可長據  
一朝惡木燬本根  
柯葉

焉能更枝梧拔幟朝登白下城潢池羣盜盡亡精懸知露布  
經過處不待

皇家用一兵

捷書飛奏

甘泉宮何數周家江漢功告

廟賜酺頒

懋賞虎臣方晉侯與公兩宮歡顏慰

文母

陛下聖文復神武

冲齡撥亂成

百性堂全集

卷二十四

九

中興更望

憂勤法

聖祖

夷陵立秋

山城猶未散炎蒸坐看中宵轉玉繩天上捷書傳 北極

人間秋色下西陵漫遊江海成長往垂老乾坤喜 中興

翹首金風動閭闔鷦鷯終不羨溟鵬

中丞嚴公舟至夷陵卧病不能往謁以詩迓之

開府忠勤鎮上游東南將帥復神州超然謝卻功名際閒繫  
萊公野渡舟

奉送中丞嚴公假還西蜀

六月 王師獻捷音中丞歸卧峽雲深  
息機翻在論功日  
歷險彌堅進德心  
辛苦千城肩毅力  
瘡痍籌筆萃憂襟  
孤臣彊直酬知遇  
才略終叨日照臨

文饒城武後先來帥蜀英豪盡壯哉  
三歎直追同調賞  
千秋均抱出羣才  
甲兵淨洗風雲會  
綸綍優頒節鉞開  
錦水花溪雖好在  
東山何事久徘徊

薦表曾勞入品題  
潛郎只自戀幽栖  
纔蘇病骨金廳下  
更挂離心玉壘西  
威鳳暫令嘲燕雀  
溟鵬還起軼虹霓  
九州待灑商霖潤  
翹首天書賁紫泥

病起

幾日掩關卧不知秋草深  
今晨步簷宇苔蔓交相侵  
萬象忽我赴納之方寸襟  
塊獨嗒若喪會通甫自今  
蔽徹始昭曠障生乃鬱沈  
卽此悟靈府開窒理可尋  
雷雨峽中至颯爽洗高林  
積疴略已減據梧發我吟  
吟成孰與和亦不索賞音  
寥寥碧空外元鶴知余心

歸思

去國一千里歸心日何東  
雁來秋塞外人滯峽雲中  
負米猶憐遠懷鉛莫論功  
征帆遲未發倚樞待西風  
物態

海燕有歸興山蟬無隱音空廊響疏雨暗峽生秋陰遊類馬  
卿倦病成莊舄吟閒中觀物態羈緒壯難任  
理髮歎

秋來髮種種病起不勝梳搖落隨櫛下委地猶埽除槁葉避  
霜信長與柯條疏昔年盛鬢髮壯氣追嚴徐謂當奮霄漢高  
步誰不如林間久塌翼鳳舉不得據晚節謝郎署二毛賦閒  
居及今益衰白老禿嗟中書鱗閣不敢望何論承明廬志業  
百未就將隨樵與漁奪我綠鬢去朱顏非復初飛光若流水  
東溟歸尾閭安得起壯士咸池翻日車

漫興

白露下林皋秋江激暮濤猿悲啼峽急鷹壯掣雲高客興頻  
懷土詩情半入騷貂蟬爭拔起悔不事龍韜

蛩聲

蛩聲如潑水曉夢頓驚殘爲爾秋心碎因誰怨調翻星霜催  
急節今古續憂端何待秦青唱惻然摧肺肝

舟發夷陵晚泊董市

舉櫂過三縣維舟日未斜雲陰濃作暝江氣壯浮沙送客殘  
蟬急投林暮鳥譁渚宮遙在望別久亦如家

舟行風逆

月峽荆門安在哉雲深東不辨章臺浮青樹接天邊合捲白

江穿霧裏來，鳴雁似聞衝。雨過泛鷗時，見避風回故園秋色。  
行將老望裏歸帆，日日猜。

舟過松滋

一柱觀何在，滄洲空自環。雲低多在水，岸闊漸無山。雨勢斜  
偏重，江流去不閒。西風能送客，獨爲旅人慳。

將至沙津以詩報耀卿

楊花如雪別芳津，攬佩秋窗月滿輪。卧病憐予馳慰問，高歌  
逢汝吐嶙峋。休誇帶礪歸貔虎，猶待邱園起鳳麟。郤桂一枝  
高自許，英聲端不讓他人。

歸舟爲風雨所滯

秋陰日日作風雨能使滄江滯行旅在渚回汀黯不開楚臺  
梁苑渺何許千里辭家汗漫遊華顛無夢到封侯但借西風  
吹五兩秋波歸釣白螺洲

湖濱舟次口占與耀鄉錄別

翦燭談方輟鳴榔忽惘然客心分繞樹秋水壯浮天鸞鵲摩  
霄路鷗鳬結社緣回帆期見訪遲汝孝廉船

寄訊汪梅村先生聞其將歸白下

初聞露布雜悲歡愁裏鄉園未忍看將帥貂蟬勳赫奕山川  
龍虎氣凋殘燐飛斷礎秋陰黑潮打荒城夜月寒亂後白頭  
歸思切荆榛何處問長干

九日適園獨眺

生平值重九鄉園回首勞  
今茲憩故里豁我心鬱陶  
山墅閱兵燹掩蔽多蓬蒿  
脩桐及槐柏竦擢爭相高  
陟磴縱遐覲百里明纖毫  
參差露洲渚迤邐分林皋  
邱巒接遠近疊翠相周遭  
江湖併一氣壯哉何滔滔  
朔風猛相蹴壁立揚飛濤  
忽然觸奇興將策冠山齧  
意氣徒慷慨鬢髮驚蕭騷  
惟欣櫟槍斂行見戈甲韜  
適我澗盤願暮齒嬉且遨  
年年對黃菊舉勺傾香醪  
尙堪逐年少共鬪詩中豪

季秋望夜江皋步月

秋陽亦太甚乃與炎歊同  
向夕步江介思欲延涼風  
冰輪揭

圓影皎皎懸當空昔年玩秋月多藉江流雄光景兩激蕩翻  
動蛟龍宮精芒射六合奇變安能窮今來潦忽斂閒以洲渚  
重遙山隱煙霧誰爲發其蒙聯橋集賈舶擾擾如蟻蠓不覩  
浩瀚勢焉得開心胸興闌舍之去歸來卷簾櫳何當挾鵬翼  
往矣觀方蓬

晚秋陽亢彌甚

季秋節候變暄燠晝食夜眠汗相續千里百里揚塵沙烈烈  
南風號萬木頗聞岳鄂連斬黃厓夏不雨騎秋陽二麥至今  
未入土流庸載道吁可傷齊安烽火久不息上將連營未敢  
逼得漏鋒刃猶饋軍哀此一方陷荆棘今年滅賊誠大慶陽

德何爲久乖令得非天導吾皇仁意在黜佞沛寬政東南  
田租蠲賜蠲詔下罷算車與船伐檀濡鵜盡斥退登崇  
悉用憂國賢上天眷佑無窮已聖德感天不移晷小臣無  
路達芻蕘何人附進延恩慝

詩寄遇隆兩兒

今歲閏期展至九月

節過重九曾無雨月比中秋分外明紫氣衝霄揮彩筆雙飛  
龍劍出豐城

將往西陵遲隆兒未歸

返櫂風猶滯滄江復阻長秋晴多見月候暖未成霜鳳管和  
聲律龍文出匣光汝歸吾卽發亦已戒征艎

湖舟曉泛

朔雁聲中客路長  
湖心曉色混天光  
朝暉忽上千帆影  
水國猶遲萬樹霜  
尙有傳烽驚沔鄂  
惜無飛將救蘄黃  
潛夫皓首仍江海  
獨自憂時未敢忘

舟行雜述

颯颯衰荷亂蕭蕭  
元莢深宿雲開樹杪飛  
鳥點湖心鄰雜飢  
穰判田兼潦旱侵  
誰能籌蓄洩閭里  
豁憂襟

帆轉汀仍合橋回浦又分  
碧鱗波蕩日綠髮樹籠雲  
甌窺簪皆滿幽歛簫共聞  
鷗鳬雜鵝鸛來往亦爲羣

顧杼鄰相競編茅戶並忙  
人歸魚躍留稼納雀趨場  
碧草還

凝露青楓未覺霜行徒盡顏汗誰道減秋陽

冬初暄特甚節候得無差宿麥難投種春桃或誤花  
蠶吟朝不斷蟲聚夕猶譁雨澤何由望湖雲又變霞

早冬沂江赴峽州

輕舟重沂大江潯江上羣山喜盡簪漲落白沙鳴素瀨  
村晴紅樹綴青林滄洲帆影何曾動平野霜華亦未侵  
朋舊西陵各無恙猶堪文酒慰冬心

十月十三夜雷電交作微雨輒止

秋旱久無雨冬晴復有雷雲沈干樹失電掠萬山來  
灑澤功何淺屯膏意莫回愆陽誠已過冰雪恐爲災

曉舟上荆門峽

江勢會岷源江光蕩曉昏灘聲雄楚塞日色射荆門故壘銷  
都盡飛仙跡尙存時平惟釣艇結網聚成村

答耀鄉對雪見憶之作

去年飛雪共憑闌對雪今成兩地看命駕遙憐荆渚隔泛舟  
深阻峽門寒梁園授簡才非忝郢曲登臺和獨難念汝揮毫  
多逸興隨風珠玉滿江干

鮑帥追粵逆於江右擒其僞王及其凶族逆將聞當檻致諸  
京

螻蟻君臣面縛俱章門飛捷達 皇都死灰頓息焚餘燼疏

網仍歸闕下俘武庫漆頭當示傲藁街濺血尙嫌汗神靈  
正副 中興運 文德今看 殿陛敷

左蠡國中聊竊號蹇人地上亦稱王梟雄有力終顛覆豎子  
無成只滅亡鈴語早占生縛曜郡名初改喜擒昌參夷凶族  
無遺種始信 天威肅萬方

北魏書地形志神麇元年世祖禽赫連昌仍置禽昌郡卽漢晉

之北屈也

仙芝縱死仍巢賊邢杲雖亡有葛榮逋竄蠻奴多悍突傳聞  
閩海復縱橫五羊乘障宜增戍萬馬窮追未罷兵 宵旰尙  
須煩 聖慮兢兢保泰在功成

峽州旅次書懷

倦客天涯歲易闌  
峽江日夜朔風寒  
鷹鷂目已輕狐兔  
鴻遠心猶逐鳳鸞  
江海盡聞兵氣解  
征徭仍冀

德音寬潛夫不厭  
山中老白首誰彈  
貢禹冠

燕坐遣悶

雨雪凋年滯客星  
更無車騎過元亭  
峽雲當晝低如墜  
林霰乘風驟復停  
侵徑莓苔何寂寂  
垂檐橘柚故青青  
鄉園正憶梅將綻  
憐汝幽芳礪壑局

鄂生太守貽厚樸  
花歌以報之產終南山老林中三十年始一花皆附正幹不綴旁枝  
雜茗飲中服之利  
關鬲理氣最有功

巴山北接終南青  
中有開闢未洩之  
精靈深林大藥樸  
尤異

三十年吐奇花馨綬定太守采貽我封題充笥百餘朶大如  
兒拳鏗有聲發絨不散流雲裏書言厥性無不宜可配茗飲  
沁心脾通利關鬲導氣海論功遠勝葭與著炎帝圖經漏未  
錄當時徑路閉巖谷歧伯雷公不識名扁鵲華陀豈寓目元  
氣鬱勃千萬年胚胎忽坼葩華妍亦如力牧及風后夢感軒  
皇非偶然桓桓太守萬人將書生起翦亦何壯眾口噤噤尙  
鑠金低頭不得言功狀只今權郡巴山隈力爲編戶除荒萊  
填胸豹略不敢露坐對奇花落且開太守立功當萬里催花  
徧放千山裏盡扶枯槁蘇疲瘵功成去訪赤松子

次和熊仲山觀察金陵饒唱四首

飛題露布蔣山秋南顧從容釋主憂獨任元戎歸廟勝同  
功介弟復神州絲綸闕下頒三錫鏡吹聲中擁八駟地  
下凶渠無可追今看梟首大航頭

聲靈昭代遠無疆軼漢超隋復邁唐豈謂釋騷來遠徼翻  
然吞噬徧諸方豪英躍起三湘道軍食艱難百戰場今日犁  
巢功蓋世子遺江左倍堪傷

元侯冊命符周典上相酬庸首晉公可但九州銷燧火還令  
百代懾梟雄天閔運會共球集帝閔瘡痍杼柚空次第  
詔書垂雨露依然文軌萬方通

使君高唱洗兵年羈宦渾忘萬里天調挾金笳橫吹壯詞驅

江海怒濤旋虛名屢忝停驂問陋巷頻違例屣延屢荷賜訪皆不相值  
卷裏陽春慙屬和題襟留證異時緣

### 感事

扞網特初起養癰非一朝不成網惡馬焉得變鳴鴉曲突何  
曾悟椎埋故自驕後來施獮薶功轉屬頭焦

前朝甌脫地歸化百餘年錯壤兼夷漢分符等謫遷探丸輕  
斫吏帶劍恥耕田威惠誰移俗空思長吏賢

突爾乘山郭公然盜庫兵厝薪猶寢處伏莽且環生宿豈金  
精動占同石鼓鳴負嵎多險阻林箐恐難平

但明有司法早用惠文冠苞槩除原易姦萌折不難優柔終

致寇征討始勝殘闢穴奚爲者將無媿伐檀

謝唐誠齋惠石

仙掌峰形擘仇池秀色分空空垂凍乳縷縷出晴雲耽隱宜  
從我論交合共君壺中九華勢終日結氤氲

贈王體仁茂才

少年裘馬習唾棄萬黃金中歲除豪氣清才礪苦吟名雖藏  
市肆契每結山林回首貞標峻蒼蒼松桂陰

攀桂圖爲萬小圃題

團欒桂樹清虛府竊藥姮娥乃其主遊者未必皆仙才紛紛  
飽聽霓裳譜大抵人間白面郎名經千佛濫依附君也望瓊

樓天路無由躋文章老不遇鶴髮與肩齊偶圖攀桂索我題  
我亦未得騎虹霓君且爲我棄擲謫仙斧我亦爲君斬斷青  
雲梯楚人自古輕卞玉吞聲徒使雙眉低君今有子如卻詵  
桂枝岷玉超常倫風雲自可付兒輩老子婆婆秋復春噫吁  
噓丈夫奇氣凌煙霄伯仲黃綺友松喬日餐霞液飲沆瀣大  
椿老幹長不凋何妨白眼少年曹一任天香雲外飄

題宜昌郡志兼送郡守聶陶齋同年入覲

自君奮巴蜀弱冠文藻適南宮早擢第錦衣出 皇州楚疆  
控飛鳥報最推殊尤晉擢二千石褰帷西塞樓續將潁川比  
化與文翁侔陽春徧煦物部下騰歌謠政成考方志墜典闕

未修建郡百餘載文獻邈難搜此事今弗舉恐貽數典差殺  
然任草創遺佚窮討蒐緝惟楚藩表郡宸居上游夔施間所  
拔山川阻且脩沿革及戰守往事如星稠 國朝盛威德谿  
峒請歸流畫壤置官吏不復稱蠻陬旁邑乃併隸立郡職其  
由大書首撮要振領遂挈裘前政有善轍準的標徽猷士女  
繼相望不遺遐與幽下逮眾瑣屑拮據靡不收賤子媿膚學  
忝竊佐替諷君平抱史識未陪東觀儔勒成一邦典亦足垂  
千秋燭閭炳列炬闢途導行轡來者助攷鏡曾無茫昧憂汗  
青已及就朝 天擁鳴騶 聖皇攬圖籙 中興符殷周八  
埏埴氛宇萬國趨共球循良佐 上理寤寐協 旁求君往

荷畫接日華凝綵旒 宮廷詢治行敷奏當 螭頭天顏  
徐有喜 褒擢宜見優辭 闕卽遄返攬轡無淹留郡中諸  
父老延望何悠悠春波映口綠春花滿汀洲當與此邦士江  
邊迎細侯

奉和申甫先生合江亭追用昌黎韻

乙丑

異術淆爭鳴于道日以左紛紛功利徒何堪值一睡卓哉昌  
黎公不作元和佐佩璐來南荒璫璫孰能貨高咏留江亭驚  
猶赤鳳過巍峩千百年山斗氣不挫夫子繼清風望古慨相  
和 先帝昔北巡羽林負矢个

荀子議兵篇負矢个

奔走倡迎

鑒恨未平坎壈

冲聖繼垂衣事定委裘卧拜疏進昌言伊

傳內自課豈不戀主恩將母情無那  
詔書促登朝勇退  
激羣懦國禎首翹材正學湖湘播英俊得人師粟帛起寒  
餓麗藻映巖阿爭爲山林賀發明忠孝心百世策庸情下走  
違春風未侍三鱣座寸筵撞洪鐘安得驚石破出處仰完人  
圭璧信無沬

寄贈楊子堅

毓秀

茂才

兩載客西陵得子愜英賞子亦僑滋邦淵然秉超曠少年負  
逸才風騷久跌宕徧探作者庭高視千秋上吾觀江濫觴入  
峽始稱壯白白戰雷霆悍突莫能抗包并蛟龍奔蹴裂巴巫  
嶂浩浩起滄溟一氣騁雄放終古無涸時浮天但澎湃乃知

源有餘灌輸縱所往屬詞理亦然蓄極末乃暢子才洵絕倫  
遠到詎可量文藻何足誇德業乃堪尙吾衰遠贈言奚以表  
心貺相期爲國華羽儀副所望

寄贈張伯輿

權

善化人時客夷陵

湘東將相彥應運皆騰驤貂蟬出韜略希復事詞章吾子獨  
拔出睥睨曹劉端獵微躡闢輿振雅諧宮商自從甫白沒六  
義鬱不揚流俗日靡靡浮哇乖大方百鳥盛鳴噪奇律惟鳳  
皇驚羣共刷秣絕塵必飛黃我視操觚輩子才尤激昂持此  
拓騷國衰鄂未易當邂逅適我願得挹蓀荃芳蛇珠不終閔  
龍劍非久藏幾時奏賦頌挾藻陪班楊

遙送鄂生太守入覲

褰帷部下化如流無復烽煙近戍樓盡道神君能治郡誰憐  
飛將未封侯一麾叢箐臨蠻徼五馬春花謁帝州遙想 宮  
廷嘉治行 賜金還被 璽書優

秋丞太守去歲中秋殉節黔西今春乃知其耗賦詩追輓  
故人凋謝盡君又殉危疆暮齒淪羈宦空拳奮 國殤蓋勳  
隨陣沒傳燹與城亡回首千峰斷黔雲鬱莽蒼

書生起乘障軀幹不勝衣白刃真能蹈青燐只獨飛熊轡空  
復壯馬革尙難歸 褒卹隆 朝典成仁不用悲

舊業青溪勝 青溪草堂者君所居別業也 猶存劫火中招魂惟化鶴濺血

已成虹矩矱仍承昔門庭各效忠

君從子亦殉鄂城之難

今年花發處

腸斷海棠紅

君園亭中海棠如故

垂老興縱橫狂歌裂石聲登陴孤劍躍磨盾百篇成已奪詞場幟兼垂節士名遺編約皮在凜凜氣如生

憶子牽絲出柴門枉見臨

君赴黔時曾枉過敝廬

尋盟指蘿薜招隱眷

山林但益九原慟長孤五嶽心追惟疇昔語淚溢大江深

哀李生勉齋

七尺魁梧軀仗氣負剛骭讀書鄙拘牽憂亂切悲哽思爲俊傑流出息風塵警慷慨恒誦言壯氣冀一騁紛紛章句儒百鳥避霜隼醜正實有徒羣謗起相窘吾嘗規佩章亢厲必先

屏近者益恂恂折節去豪猛卓然遠到才堪爲吾黨幸蘊蓄  
百未宣中道遽先賁高節摧豫章浮榮秀朝菌浩蕩叩靈修  
良楷同一軫嗚呼干將鋒干載沒智井

上元霽雪

風雪傳柑會陽和似未回英英雲總合兢兢震頻來亦是銀  
花夜曾無火樹開崑崙誰奪險應拔四方臺

長陽田賊爲變  
官軍往討之四

方臺者賊所據之山也

江上眺積雪

日光浮不定天影混疑平岸合江全縮山封樹獨明凍鷗多  
匿浦歸雁欲迷程小立吟初就寒威偏句清

與彭子嘉觀察相遇沙津別後卻寄

詞臣恩遇比嚴徐憶在先朝侍直廬水鏡掄才搜白屋  
霜臺捧簡進丹除諸夷羅拜唐蒙節六詔高乘孟博車君  
到蜀都問消息征蠻方略近何如

滄江復對一尊同喜值星輶憩渚宮故國荒涼兵燹後晨星  
寥落亂離中旌旄自是功名遠繡斧還能意氣雄別後臨池  
如有暇好將紉素寄蒿蓬

二月已盡春色猶遲

寒山不放草萌芽誰見迎風萬柳斜江海但驚馳虎竹園林  
未許借鶯花幾時紫燕窺珠箔何處青牛走鈿車莫道句芒

遲節序天公無意送韶華

曉雷

春仲多陰晦驚雷始破空  
盪開千嶂暗催坼萬花  
紅元氣昭蘇候神機震疊功  
雨晴瞻黛耜正及土膏融

偶然作

北風雨雪盛涼雱  
積棘縱橫蔽道傍  
豈有麒麟儕狻猊何堪  
鷹隼侮鸞鳳謏謏縱遣黃金鑠  
皎皎安能白壁傷  
世事只須齊物論  
康瓠寶鼎任低昂

清明舟中口占遣悶

村落無桃柳園林少燕鶯  
年光但如此持底作清明

寄子堅伯輿夷陵

楚蜀江山勢奔趨西塞樓登臨攬雄傑才調發英邁碧海紫  
鸞舞青天黃鵠遊別來春又老離思滿滄洲

雨中獨坐憶夷陵山水

白首談經客空齋掩寂寥江山懷壯偉煙雨送芳韶短櫂空  
成阻清尊不可招登臨舊時夢往往在岩嶢

重至講舍感舊有作

經帷隔歲至三逕成蒿蓬老桂獨偃蹇葱鬱氣猶雄舊種數  
竿竹青鸞垂尾同稚杏侍其側擢秀出荒叢結鄰宛三友高  
節皆固窮榮華任雨露委心亭毒中欽此磊落旣豈殊賢達

風媿無灌溉德敢尸造化功華實汝自具何以報蒼窮  
出門少桃柳忽忽逾清明昨來曾幾日枯槁回光榮時雨灑  
芳潤好風柔且輕煙草送遠綠萋萋千里情百花逞妍媚迸  
力闢新晴來柘盡交蔭園鳥皆變聲昨者靳淑麗今乃洩菁  
英不知橐籥力鼓蕩何由成苑枯本天道候至無不更瑣瑣  
世間事升沈安足驚

門外何所有舊有數頃陂苐藻每交蔓蒲荷並紛披高城墮  
遙影風至生漣漪今來訝涸轍無復遊鱗窺高下洲與嶼銜  
接何逶迤汨泥列繡壤將欲興東菑靜求反覆理俯仰忽已  
移桑田在東海亦有揚塵時况此蹄涔水源竭固其宜但惜

白鷗去茫然空我思

往與二三子文史縱蒐考林

立甫

李

勉齋

尤激昂才堪爲國

寶林也起寧旗原野塗肝腦李也隕秋風玉樹埋何早濟世  
生豪英厚意出蒼昊飛黃千里材顛蹶不待老牖下與沙場  
白骨同一槁天閼皆殊尤靈修無乃媚死士龔相望煙雨泣  
春草滔滔感頽波寂寂悲吾道臨風倚杖藜獨立愴懷抱  
耀鄉所業益進於古詩以策之

駸駸駒隙度志士惜馳暉門外落紅滿不知花盡飛淵懷超  
意象古義測深微力埽牛毛盡方成麟角稀

卽興

幾日花飛盡新陰遽已成籠青迷曲巷浮綠過高城益益眞  
機運蓬蓬遠興生悠然觸吟緒搖蕩語流鶯

鮑帥部屬變於京口

豈聞狼子作貔貅太息元戎失遠謀篝火敢行倡大澤銀刀  
徒遺亂徐州鄰疆軍賦傾膏血夜雨山城泣髑髏降卒頗多  
銅馬輩尙虞同惡起相求

荀生滿園

幾日便尋丈軒昂惟此君新遷疑驟貴特起欲成軍稗籜爭  
垂露叢梢亂入雲半空翔翥勢驚鳳總爲羣

躡足如通籍差肩盡及墻門生迎嗣復子姓盛汾陽聲待三

秋起雲垂六月涼只宜稽阮輩把臂入林狂

四月二十四日僧親王戰沒濟陰

威名上將河魁宿貴族陰山日逐王忠慰

龍顏勞戰伐禍輕蠶蠹失周防飛書昨尙馳三捷猛士今誰  
守四方圖像麒麟終已矣蹶蹄天馬竟摧傷

徵兵朔漠度燕關鐵騎雲騰甲盡擐百戰澄清半天下十年  
鋒鏑老行閒親聯肺腑附

恩尤重志決身殲事益艱涕淚誰扶天日月英靈長護漠河  
山

熊虎天生閩外才長驅未遣淨氛埃縱橫反側諸方熾蹉跎

英雄萬古哀死將遂悲殷孝祖關門不返實行臺鼓鼙聲動

皇心惻拊髀誰爲頗牧來

宋書殷孝祖每戰以鼓蓋自隨軍中人相謂曰殷統軍可謂死將矣

是日中流矢卒北齊書神武西討令竇泰自潼關入爲周文帝所虜眾盡沒泰自殺初泰發鄴鄴有惠化尼謠云竇行臺去不回

楊性農駕部約以季秋登君山作歌張之

芙蓉峰雲盡作紫隨風吹度洞庭水移芝老人把芝華乘雲  
下泝八百里老人何年辭紫庭浩然散髮秋揚舲胸吞雲夢  
已八九相識漁樵半白首一峰湖上青峇嶢往往亭榭干雲  
霄前有軒皇張野之廣奏後有重華儀鳳之九韶鈞天記聽  
舊仙樂入耳英威忽飄落蜺旌絳節來參差縹渺三山動樓

閣晚猿羣嘯生長風崔嵬濁浪驚排空方丈蓬萊不可見雷  
霆震蕩蛟鼉宮流雲倏散月華出眼前萬怪頓滅沒松喬招  
手丹霞中一鏡平湖任飛越華轂朱輪徒瑣瑣古來榮枯速  
電火人生爲樂能幾何跌宕湖山無不可海若河伯兩醺雞  
起追齧缺邀王倪騷歌安用楚臣怨古淚無勞湘女啼移芝  
老人太乙仙藜火猶騰湖上船樵翁釣客起爲壽且有風月  
娛長年大笑浮名眞局促長繩誰繫六龍足空誇出世大還  
丹向似明湖化醺醺杯中醉吸君山綠  
黃乙垣畫松及牡丹見贈作歌報之

秋雲燒空赤如火垂天亂壓芙蓉朵抗塵觸熱者何人叩門

黃君高揖我手持牋素張我堂驟覺巖壑陰風涼細看青松  
挺雙幹鬱律欲作蛟龍翔別有妍華逞春卉沈盡人間金粉  
氣對之便足清炎歎奇士紅粧並高致殷勤脫手云相貽索  
我縱筆爲歌詩君也丹青究神妙我才頗放安足奇自從枉  
矢東南南流齊安戰骨如山邱嗟君倉皇挈骨肉驚魂奔竄無  
時休金陵梟獍已殲死青犢赤眉更蠱起齊魯中州半荆杞  
君家亦在烽煙裏海宇戰氛猶自惡時無辛趙與褒鄂

中興未得圖功臣惜君筆力自磅礴故鄉秫稻荒山田日倚  
囊中賣畫錢我亦蹉跎滄江畔對君圖畫心惘然洛陽名園  
薦叢棘繁華金紫竟何益惟應松根掘茯苓結屋從君煮白

石

聞申甫師奉母自零陵還全州

賜歸仍 賜養長荷 主恩優堂上寬衰疾溪邊憶釣遊紫  
芝華自秀喬木澤仍留門祚雖多故還宜遣百憂

己道零陵遠浮湘今又歸沂波魚不達過嶺雁都稀世望仲  
山衮春生萊子衣問奇益脩阻何日叩巖扉

余旬甫曾撰

顯廟挽歌近始見之感題四律

憶昔 鸞旗出 帝都 先皇遺勳等蒼梧窮邊 法駕淹  
車轍下土空山泣 鼎湖日晏頓驚濛汜墜天傾眞效杞人  
愚追思扈從多才彥曾有祈招奏御無

兩宮能轉 六龍停 扶翼 冲人踐 紫庭重見干官趨  
拜舞依然 九廟肅英靈堪家早協周邦喜傳子仍符夏  
后經盡道 重華承 帝命 臨朝四臯服威刑

遺澤終清四海塵 唐堯哲惠在知人爭誇今日戡除略猶  
倚先朝老大臣 一統車書昭 景運千齡圖錄耀 昌辰  
持還列祖金甌固 清廟無憂陟降神

當年鶴語慟 堯崩今日 文園感不勝載見肅雝隆衿袂  
恭聞霜露拜山陵 今歲始十日 奉安 山陵 唐擒賀魯據先憤周克淮夷

美 中興次第獻俘均 告廟萬年中外震威棱

五舍弟子章得仇實甫織機圖索題

嬋娟隣巷相爲羣  
願杼鳴機宵晝勤  
織練織素各自課  
手爪難將工拙分  
盤龍簇鳳雲霞炳  
貢篚年年納官省  
願賜名賢頒有功  
莫將束帛濫恩倖

輕如飛雪淨如霜  
交錯纂組成文章  
鍼綫裁縫密無迹  
長裾搖曳春風香  
色絲易故卽塵土  
未識棄捐置何所  
風塵汲引古來難  
恐有才人在羈旅

轉綠回黃看不定  
千花萬草交相映  
園客冰絲未足奇  
天孫雲錦猶難勝  
忽憶關山音信稀  
秋鴻春燕遞先歸  
錦字回文何日達  
悽然清淚濕鴛機

三吳紈綺甲天下  
誰料湖山躡銅馬  
可憐杼軸萬家空  
錦繡

都隨劫灰施亂後柔桑復擢枝家家稍得理機絲卽看詔下  
裁奢麗纁縞還同禹貢時

九日舟中風雨寄懷舍弟子章

令節扁舟倍鬱陶無端風雨更悲號各天鴻雁音書遠九月  
龍蠶澤氣高是處林巒停蠟屐何時尊酒共霜螯遙知秋興  
難成賦潘令悽然感二毛

行藏

煙波自來去安足語行藏世事兵兼潦天機露變霜壯心悲  
急景逝水送流光鬱鬱謀誰用空成逐稻粱

鷄鳴

鷄鳴警羣動催破曉煙濃帝闕開雙鳳天街策六龍慚予事  
行役命綈少從容起舞者誰子吁嗟壯士胸

水國

秋深觀物態水國弄晴暉竹土森垂佩楓人驟賜緋塞鴻猶  
未至汀鷺與俱飛莫問春申事千年迹已非

舟行處有地名黃歇口

湖光

湖光受日月異彩何鮮明耀如淬金鏡自然銘鍊成內性湛  
虛靜元德不自名朗澈兩無拒適與流輝迎蕩沃益奇絕吐  
納陰陽精乃知澹定力囊括皆菁英道妙此可悟外炫安足  
營

觀野穫

桑壤無窪下來觀野刈雲積多難辨種餽至各呼羣稍藉簞  
車滿堪酬婦子勤江鄉猶苦潦飢溺責誰分

舟次對月取酒獨酌

身外惟明月揮杯聯勸之古來人不見今者我爲誰光到極  
清處興當孤往時長庚下窺飲吾醉亦安知

風雪連番菊叢猶有把秀者

歲晏孤芳在寒威百鍊中漢留徐孺子秦隱夏黃公皎潔迎  
霜月凌競戰雪風南山望松桂嘉汝後凋同

得袁廉叔璫明經書卻寄

廉叔亡友璫  
携翁門人也

樗寮喜談藝之子得淵源近者傳魚素悽然憶虎賁干戈多  
歲月鉛槧且朝昏嗟汝凌雲筆猶遲金馬門

寄熊仲放學博時新自鄂游歸

歲暮苔岑最憶君篇舟歸去臥松雲酒杯看劍英雄淚騷國

拳旗父子軍

郎君詩  
尤傑出

百戰鯨鯢銷故壘千年鸚鵡泣荒墳誰

憐作賦甘泉手騎馬思隨鄭廣文

十二月十四日震電

元冥方用事震電倏非常揮怒驚摧裂重陰泄閉藏徵求財  
轉匱反側寇猶張變異期消弭憂勤仰 廟堂

立春前二日

剝啄門無客村隣哭少烟江淮成戰壘

時齊安有警

雨雪徧凋年

澤國人猶慮春旛歲又遷白頭文字役壯志亦徒然

遲子章未至

聞渡鄱湖返兒童早候扉歲闌仍阻寇鄉近轉遲歸雁羽征  
何疾鴈聲聽尙稀卽乘帆勢捷洗醎慰慈幃

瓶中紅梅

丙寅

一笑初流媚干林頓覺春瑤臺步冰雪霞帔擁天人酒暈微  
生靨香光總護身猶憐桃李夢未解豔陽辰

白首繡衣行哀寶蘭泉侍御作

初元詔下求人才薦疏喧傳賢路開滇南有客滯巴蜀直聲

當日高霜臺黃扉朱邸知名久  
勸駕貽書惟恐後虛左當居  
九列間同升合在羣公右  
閭闔迢迢雲際懸分無羽翼遊青  
天不望立談取卿相豈聞推轂翻  
迤邐治安未進賈生議片  
言已忤當途意一麾萬里西南行  
不伍夔龍伍魍魎苦霧盤  
江邛僂國炎雲憔悴征夫色君  
不見柴車白首繡衣人魂墮  
蠻天歸不得

題李卓泉嶸茂才詩卷

義心凌魏晉古調薄風騷  
緱嶺清聞鶴滄溟猛策鼇  
尙嗟傾蓋晚敢負賞音遭  
何日聯幽屐相從谷口樵

李秋樵嶸茂才枉過出詩冊見質  
并承贈句賦此酬之

陋巷春來喜足音，遠投詩卷比南金。  
披君藻思千重綺，坐我松風萬壑陰。  
陸氏機雲聯倡和，何家求點重山林。  
也知泉石兼觴咏，不換人間笏與簪。

霰集

疏牖雲欲暝，密瓦響逾囂。  
珠擲麻姑戲，壺投玉女驍。  
欺梅橫莫制，折竹勁偏饒。  
已近試鐙夕，寒威故不消。

寄訊梅村孝廉

入戶迷三徑，還鄉賦七哀。  
笳連蔣山戍，春冷雨花臺。  
酒化愁中淚，編殘劫後灰。  
東南猶用武，誰問著書才。

上元雨雪書憤

雨雪上元春可憐齊安河北皆烽煙泥中凍踏骨委地江外  
號啼聲震天寂寂高營玉帳臥潭潭大府金尊筵崑崙夜奪  
豈無策讀史挑鐙空慨然

憶西陵舊遊

客舍高歌若有神歸來窮巷臥青春荆門波色將浮岸峽口  
花光欲照人慙慙溪山懸舊夢駸駸車馬動芳塵清遊回首  
成千里日暮東風采白蘋

寄贈李次青

元度同年

殺賊還看露布成封侯無分到書生空令文法傷豪傑坐惜  
風塵老甲兵疇昔偏裨皆已貴尋常醉尉轉相輕漢家會赦

雲中守推轂仍煩仗鉞行

寄彭漁叟長沙

湏塞抽簪後潭州湯卜居愁聞湘浦鴈老憶武昌魚挾策空  
投墜窮年白著書擊鮮間亦罷裝直久無餘

不須詢鄂事極日總贖波榮杲馳吹角發曾起倒戈隔江惟  
燧火上將且笙歌寄語懷歸客遠枝將奈何

榮杲謂葛榮那  
杲發曾謂杜發

杜曾

百感

華髮支筇客芳時百感侵江淮纏殺氣風雨損春心羣醜驕  
誰制生民禍益深龍淵不在掌慷慨一長吟

楚國方城險頻年賊入邪畫江資寇壤閉壘待天誅乞活翻  
雄長流亡更掠俘元戎眞雅度裘帶亦何都

南紀滔滔壯雙流空復長吾能恃天塹彼解取餘皇不作開  
營戰誰聞扼隘防國門踰咫尺率野盡豺狼

賊飽方徐退民歸更苦飢徒然賸皮骨誰復閔瘡痍耒耜猶  
難覓耕耘未有期千村皆瓦礫何以佐軍資

變多生玉帳悍或類銀刀跋扈皆冰敏石冰陳敏謹叟卽貢茂王貢

杜方憂兵若火誰問盜如毛太息今爲梗徒煩召募勞銀刀卒唐

時徐州亂軍也

狂瀾無計返萬事盡殞波養寇軍逾橫營私吏轉多錙銖窮

括斂膏髓付銷磨乾沒仍無已錢刀罄若何

送質先求撫虛言詎可憑鴟音終不革鷹眼得無憎莫倚羈縻策終虞變詐乘羯奴侮彭祖覆轍固宜懲

時有招撫之議

雨望

巷陌無人過鷗閒一到門雨中回草色汀外沒沙痕萬代江河下雙輪日月奔大庭去已遠孤抱與誰論

二月初三夜大雷雨

終宵雷雨勢撼屋似沈船漲走千巖瀑江吞萬里天溼雲如欲墜淑景不成妍四壁漏痕滿龍蛇忽蜿蜒

連日大雨如注雷電交作

山花飄作泥流鶯自惜黃金縷遊騎都停碧玉蹄東望江干  
新白骨蕭條兵後萬家啼

惜春

衰年惜春色春盡未逢晴喧聒憎龍蜺悽涼老燕鶯不知花  
事過但見柳陰成淑景如流水奔騰送雨聲

閬川

雲起陰旋合晴光覺太稀衝波鷗側立掠雨燕橫飛盎盎春  
將老勞勞計總非閬川空自惜長負故山薇

遠綠

春林籠曉霧遠綠不能分黯黯深如海濛濛混入雲岸圍青

玉帶波皺碧羅紋靜裏鳩聲喚晴宜陌上薰

蹄鳥

春樹聞啼鳥聲聲喚曉風夢回紅雨後歌疊綠雲中似惜韶  
華晚誰憐劉亮同絕勝年少樂絲管畫堂東

浮艇

晴旭方浮艇春雲半在湖煙輕扶翠柳水遠入青蕪播植催  
農事汗菜變沃區客遊浪蹤跡只覺媿鷗鳬

湖上口占

湖上青山態自閒飛帆直掛碧雲間春波長送年年綠不送  
征人歲月還

將至沙市以詩簡耀卿諸子

乘春來續渚宮遊  
細雨飛花滯客舟  
漠漠郢雲低郡堞  
茫茫峽水映江樓  
閒中閱世成孤憤  
醉後論才隘九州  
不共諸君罄胸臆  
更持肝膽向誰投

愁霖

二麥皆棲隴  
愁霖無已時  
未遑憂夏潦  
何以貸春飢  
多壘旌猶布  
三農命若絲  
誰當調玉燭  
豈不在邦毗

雨泊關沮口

泥滑水濺濺  
垂楊獨繫船  
春宵三月雨  
波漲一湖煙  
梁苑冥濛外  
荆臺杳靄邊  
故人遲握手  
孤興獨悵然

蜀僧禪定自普陀歸仍返我眉索贈

蜀僧西下我眉峯踏破白雲千萬重東去浮江復渡海蓮花  
洋外瞰蛟龍眼光超出三千界吞吐蓮壺何芥蒂濟度直成  
願力宏聲聞無過潮音大回帆暫泊渚宮城桑下難忘三宿  
情錫杖渾疑法雲護衣珠猶照海霞明歸去觀空悟舍筏雨  
花散落徧岩窟炯炯山中印道心靈光高湧我眉月

又爲禪定畫蘭并題一絕

前身我亦我眉籍

舊時夢中事

流浪浮生豈有涯石室萬尋扉未

啟煩師問訊青蘭花

送林生希之

履賢

遊閩謁爵師湘陰左公

希之立甫太守子也

蕭然葛帔困飢驅舊業田園亦盡蕪落魄久傷名父子吞聲  
誰問羽林孤雲中自可翔千仞麾下何爲奉伍符得遇孫陽  
邀翦拂故應憐是遲注駒

希之方依偏校

武鄉新建並能兵今見登壇百粵清拔起特超諸節度威勳  
獨出一書生遠遊衣綫吟東野下士飢寒拜北平窮鳥鄧林  
知有託不須臨別淚霑纓

張生繼堂與希之偕遊閩中謁爵帥左公詩以送之

二子相攜赴七閩碧油幢下望車塵鯢鵬雲海扶搖路龍虎  
山林變化人軍府忠勤思並集賓階吐握氣俱伸青萍結綠  
方增價薛卞由來賞識眞

小園入夏新篁競擢

蕭齋久岑寂得汝忽崢嶸拱立常參笏雄嚴武庫兵俱陪鸞  
鵠舞解作鳳皇鳴歲暮多高節期無負令名

脫穎驚毛遂趨朝見筆公雷翻初拔地露濯盡排空陰密堪  
避暑聲來足嘯風杖藜隨點頷頭角穉孫同

雨後看新竹

過雨初開徑新篁解箨同龍蛇關不住亂走一園中  
乍削琅玕就森然迴不羣碧娟新洗出秀色奪晴雲  
纔憑雷雨助信宿便崢嶸媿乏凌雲筆摩空並汝爭  
助名眞屣脫富貴等雲浮盈尺階前地能封千戶侯

四月十八初更烈風作踰時乃定

倏若干山倒俄然萬竅鳴鼇翻乘海立龍怒拔湫行疾捲三  
重屋雄塵百戰兵須臾變亦定皎皎月華明

蔡霽麓孝廉過南郡見訪不值悵然留詩而去轍賦一章奉

答

天涯傾蓋惜相違詞客停舟誤款扉荆郢荒臺憐日落沱潛  
春水送花飛疏麻更枉殷勤訊萼草猶嗟邂逅稀入識中郎

高鑒別鬢桐何得比珠徽

書來索觀拙著

紀異

四月十八夜江陵東境風雹爲災墻舍盡頽村民  
壓死者甚眾田禾悉損百里內大木無不拔者

偶然猛颺撼山破石走沙飛雜塵梁驚看赤電穿黑雲人道

白龍向空過怒驅飛雹東方來大者如盃或如杯百里古木  
既盡拔隴閒禾麥無不摧連甍高屋驚搖搖何況道左三重  
茅垣頽棟折只俄頃東村西村同呼號殘支斷骸積充仞瓦  
礫榱桷雜相輔滅租給轉誰當陳騎馬不見吏人問